



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Oliverii Florentii Waterloop Congreg. Oratorii B. Mariae
Aspricol. Presbyteri Monita Spiritvalia Et Moralia
Tetrastichis distincta**

Waterloop, Oliverius F.

Antverpiae, 1657

Titulus II. Veritas, Falsitas.

urn:nbn:de:hbz:466:1-9689

Potentiae atque robori
Vbiique praefer ordinem:
Est ordo robur, & tui
Dux atque custos roboris.

Hic civitates, totaque
In pace regna continet,
Firmatque : sic exercitum
Bonus ordo victorem facit.

Est vnitas fons ordinis;
Ruina paritas, & caput
Confusionis : dilige
Vnita propter ordinem.

Cum disciplinas optimus
Magister ordo pervias
Facilesque reddat ; ordinem
In rebus & verbis ama.

Veri, bonique, & ordinis
Amore, Carmen aestima:
Pulchri esse studioso licet;
Malè curioso non licet.

Veritas. Falsitas.

I. **F**Idiu apud antiquos frequens,
Nulla est fiderum mentio:
Est multiplex hoc saeculo;
Fuit una prisorum fides.

Si veritatis, ut liquet,
Est falsitas corruptio,
Fuitque quod corrumptur;
Fuit ante falsum veritas.

Si quo vetustas notior,
Hoc certior fit veritas;
Veram esse certò comprobat
Antiquitas Ecclesiam.

Veram esse Romanam probat
Antiquitas Ecclesiam:
Nam quo vetustas notior,
Hoc certior fit veritas.

Vt cumque sit mendacii
Cursus celer ; tacito gradu
Hoc deprehendit, filia
Prioris ævi, veritas.

Mendacium quisquis docet,
Doctrina mox ejus perit:
Eius perennat gloria,
Qui veritatem seminat.

Prudenter à mendacibus
Secerne veros vatibus :
Attende ne rabiem lupi
Ovina pellis contegat.

Non in tabernis, aut novis
Tenebrionum circulis
Antiqua, tuta, sobria
Addiscitur sapientia.

Te vera doctrina ad bonum,
Te falsa ducet ad malum:
Fons est bonorum veritas;
Radix malorum falsitas.

Ad recta sanctorum fides,
Ad curva dicit haeresis.
Fuge rebus in curvis malum;
Amplectere in rectis bonum.

V 3 Audi

158 · OLIVERII FLORENTII WATERLOOP

Audi quid in te intus Pater
Loquatur, & Mater foris:
Hanc si vel illum negligas
Audire, es æternum miser.

Ecclesiæ vocem fugis?
Fugis salutem: qui negat
Audire matrem filius,
Perdit quod audit, & perit.

Quò curris ignarus viæ
Sudas, nec hilum proficis:
Via est Fides: extra viam
Inanis est cursus labor.

Ab agnitâ vitæ viâ,
Fideque vita devium:
Nil obstinata amentia
Docebit, aut docebitur.

Opibus foris caret bonus,
Non intus: ingenio caret
Obediens, sanctus, Fide.
Te divitem, qui sic cares!

Beatus exul pro Fide
Tellure pulsus patriâ:
Beatiorem patriam
Servata monstrabit Fides.

Cunctis acutè, & seriâ
Ratione discussis, nihil
Probabis esse verius,
Quà quod probat CHRISTI Fides.

Examinatis omnibus,
Et ritè perpensis, nihil
Cordi esse dices dulcius,
Quàm velle quod dictat Deus.

In orbe cuncta destruis,
Pietatis ædificas nihil:
Estne iste zelus, an scelus?
Estne iste fervor, an furor?

Est CERTA, quæ RECTA est Fides,
Mala procul ARCEbat schismata:
Ut Creta non est fictilis,
Sed artis ingenio CARET.

Huic larva mundi desipit,
Cui nuda veritas sapit:
Huic error omnis displicet,
Cui vera religio placet.

Fidem antepone literis.
Monstri instar ille sit tibi,
Qui cultus est à literis,
Incultus à rectâ Fide.

2. Miracla cessant: an DEI
Quòd facta sit brevis manus?
Nihil minus: potius tua
Quòd facta sit brevis Fides.

Miraculorum est maximum
Miraculum, miraculo
Nullo rebelles cultui
DEI atqüe amori reddere.

Quidquid velit, posse est DEI.
Vult optima: atqui est optimum,
Ut mira posse se probet:
Hinc mira vult, potest, patrat.

Miraculum sit maximum,
Si mira non patret Deus.
Majora qui captu tuo
Non possit, is non est Deus.

Anti-

Antiqua si certam novis
Fidem adstruunt miraculis,
Cur non & antiquis nova?
Fuit quod est; est quod fuit.

3. Quæ sensuum speculo vides,
Maxima videntur; parva sunt:
Quæ parvulos docet Fides,
Minima videntur; magna sunt.

Humana fallunt: maxima
Parent procul; nil sunt propè:
Divina nil parent procul;
Propiora, sunt ter-maxima.

4. Tegas licet quod est bonum,
Id neutquam extingui potest.
Ut ut prematur veritas
Ad tempus, emerget tamen.

Quæsita cùm fuerit minus,
Prodibit olim veritas:
Et quam tot umbræ texerant,
Hanc tempus in lucem trahet.

Opiniones, & vagi
Figimenta vulgi, despice:
Quæ vera sunt, Deus suo
Profert in auras tempore.

Suo seruntur omnia
Et colliguntur tempore:
Dies revelat quæ latent,
Et abdita in lucem trahit.

Humana adhuc Philosophia
Balbutit infans: luminis
Veri dat umbras; discutit
Has Christiana veritas.

Tenebris vetustis obsita
Caput exere alma veritas;
Tenuesque magni luminis
Nos esse scintillas doce.

Vinum potens, Rex præpotens,
Ter præpotens est femina:
Sed Veritas est his tribus
Iunctis simul potentior.

5. Mos tritus ævo, lumine
Si veritatis nititur,
Suadetque res factu bonas,
Auctoritatis jus habet.

Adultus error, sæculi
Pestis cavenda est. Tu fuge
Servare morem, cui deest
Rationis aut boni color.

Mos veritatis expers,
Erroris est vetustas.
Prudens ama, relicto
Errore, veritatem.

Stat veritate mos vetus;
Lex æquitate nititur:
Est norma legis æquitas,
Columna moris veritas.

Egisse gaudie, quod Fides,
Non moris error, adprobat.
Non quod libet, sed quod licet,
Decetque, fac, dic, cogita.



Rex.